

**FEDERATA E FUTBOLLIT E KOSOVËS
FUDBALSKI SAVEZ KOSOVA
FOOTBALL FEDERATION OF KOSOVA**



PROPOZICIONET E GARAVE

Për Superligë, Ligën e parë, Ligat e dyta

Kampionati i Kosovës në Futboll 2017-2018

Gusht 2017

Komiteti Ekzekutiv i Federatës së Futbollit, bazuar në nenin 33 p. 3 nën a), e Statutit të FFK-së, aprovoi me datë, 25.04.2006, ndërsa miratoi plotësimet dhe ndryshimet më **02.08.2017**, për:

PROPOZICIONET E GARAVE

Për Superligë, Ligën e I-rë dhe Ligat e II-ta

Kampionati i Kosovës

I. DISPOZITAT E PËRGJITHSHME

Neni 1

Me këto Propozicione, caktohet mënyra, organizimi dhe udhëheqja e garave të kampionatit të futbollit në Kosovë për të gjitha rangjet garuese.

Me Propozicione rregullohen veçanërisht garat kampionale të futbollit me sa vijon: mënyra e garimit, orarin e ndeshjeve, shtyerjen e ndeshjeve, fushat për zhvillimin e ndeshjeve, caktimin e fushave dhe fillimin e ndeshjeve, organizimin e ndeshjeve, të drejtën e pjesëmarrjes dhe identifikimin e identitetit të lojtarëve, vëzhguesit, gjyqtarëve, ndalimin e zhvillimit të ndeshjeve në fushën e caktuar, kundërvajtjet disiplinore, ankesave me afate të veçanta në procedurë të ankesës, regjistrimet e ndeshjeve, miratimin e plasmanit, kontrollimet mjekësore, fanellat sportive (ngjyrat dhe numrat), pjesëmarrja me ekipin më të mirë, dorëzimet e ndeshjeve pa luftë, numri më i vogël i lojtarëve, rregullat financiare, shpërblimet, buletini zyrtar, përtërirja e ligës dhe kushtet minimale për punët profesionale dhe pedagogjike.

Neni 2

Garat e futbollit në Kosovë në të gjitha rangjet i organizon, drejton dhe kontrollon FFK-ja, përmes Komisioneve, e sidomos atij të Garave dhe atij Disiplinor.

Me garat e futbollit në të gjitha rangjet (Superliga, Liga e I-rë, e II-të, Liga e femrave, Futsal dhe garat e kategorive të reja) udhëheqin komisionet e garave të cilat i emëron

dhe shkarkon Komiteti Ekzekutiv i FFK-së. Dhe atë, Komisioni i Garave unik për Superligë dhe Ligën e parë, dhe Komisioni për Ligën e dytë, Ligën e Juniorëve dhe Ligën e Kadetëve.

Komisionin e garave për rangun e Ligës rajonale e cakton subjekti që udhëheq me gara.

Neni 3

Garat kampionale të futbollit, do të zhvillohen sipas sistemit të Ligave, në të cilin do të marrin pjesë:

- Në Superligën e Kosovës do të garojnë 12 ekipe.
- Në Ligën e parë të Kosovës do të garojnë 16 ekipe.
- Në Ligën e dytë të Kosovës garojnë ekipe të ndara në dy grupe;
Grupi „ A „ ekipe nga Rajonet; Mitrovicë, Pejë, Gjakovë, Prizren
Grupi „ B „ ekipe nga Rajonet; Prishtinë, Ferizaj, Gjilan

Neni 4

Në Superligë sistemi i garave do të jetë ky: do të zhvillohen 33 xhiro për Superligë, në tri etapa. Në dy etapat e para do të takohen të 12 ekipet sipas sistemit të Bergerit, vajtje ardhje (22 xhiro), ndërsa etapa e tretë do t'i ketë 11 xhiro në bazë të klasifikimit në tabelë dhe do të luhet sipas sistemit të Bergerit. Sipas kësaj gjashtë ekipet e para do të kenë një ndeshje më shumë si vendas.

Skuadra që fiton më së shumti pikë (duke i mbledhur pikët e 33 xhirove të rregullta të Superligës), fiton titullin e kampionit të Kosovës.

Dy skuadrat që fitojnë më së paku pikë, duke i mbledhur pikët e 33 xhirove të rregullta të Superligës, do të kalojnë në rang më të ulët – në Ligën e parë të Kosovës, ndërsa vendi i dhjetë (10) dhe vendi i nëntë (9) në Superligë do të zhvillojnë një

ndeshje në terren neutral (e cakton KE) kundër vendit të tretë (3) dhe të katërt (4) në tabelën e klasifikimit të Ligës së Parë. Nëse ndeshja kryhet baraz vijojnë vazhdimet dhe nëse edhe këtu nuk ka fitues ekzekutohen penalltitë.

Fituesit do të garojnë në Superligë për sezonin vijues.

Neni 5

Liga e parë;

Do të zhvillohen 30 xhiro të rregullta për Ligën e parë, sipas shortit me sistemin e Bergerit (vajtje –ardhje).

Dy skuadrat që fitojnë më shumti pikë, duke i mbledhur pikët e 30 xhirove të rregullta të Ligës së parë, e fitojnë të drejtën për të kaluar në rang më të lartë – në Superligë, ndërsa i treti dhe i katërti luajnë ndeshjet vendimtare me vendin e dhjetë dhe të nëntë të Superligës.

Dy skuadrat që fitojnë më së paku pikë, duke i mbledhur pikët e 30 xhirove të Ligës së parë, do të kalojnë në Ligën e dytë të Kosovës, dhe do t’ua lëshojnë vendin kampionëve të dy grupeve të Ligës së dytë të Kosovës.

Vendi i 14-të dhe i 13-të i Ligës së parë do të zhvillojnë një ndeshje barazhi (përcaktuese) me vendin e 2-të të Ligës së dytë Grupi A dhe vendin e 2-të të Grupit B, varësisht nga përkatësia gjeografike në grup. Nëse vendi i 14-të dhe i 13-të i Ligës së parë i takojnë të njëjtit grup në ligën e dytë atëherë çiftet tërheqen me short. Luhet një ndeshje neutrale që e përcakton KE i FFK-së.

Neni 6

Garat në Ligën e dytë, zhvillohen me sistem të dyfishtë pikësh (vajtje-ardhje).

Kampionët e dy grupeve “A” dhe “B” të Ligës së dytë e fitojnë të drejtën që të kalojnë në rang më të lartë, në Ligën e parë për edicionin e ardhshëm garues.

Numri i ekipeve për çdo rang garues mund të ndryshon varësisht prej ekipeve që përmbushin kriteret e licencimit për edicionin e Kampionatit përkatës.

Lidhur më këtë Komiteti Ekzekutiv mban të drejtën që të bjen vendim të posaçëm për numrin e ekipeve që do të fillojnë garat për të gjitha rangjet garuese për shkak të

mos përmbushjes së kriterëve për licencim. Këtë vendim KE-ja e merr para tërheqjes së shortit për garim.

Tërheqja e shortit do të bëhet së paku 15 ditë nga dita e fillimit të edicionit paraprak të ligës përkatëse dhe fillimisht për Superligë pastaj për Ligën e parë dhe për Ligën e dytë. Në short do të hyjnë vetëm ekipet e licencuara nga KE për rangun përkatës të garave. Për ekipet që nuk kanë licencë për garatë përkatëse do të merr vendim të posaçëm KE-ja. Shortin e udhëheqin Komisionet që udhëheqin me gara.

Neni 7

Komiteti Ekzekutiv i FFK-së, i emëron Komisionet përkatëse të Garave në përbërje prej së paku 3 anëtarëve, të cilat do të udhëheqin me gara .

Garat e futbollit të Kosovës zhvillohen me sistem të dyfishtë (vajtje - ardhje) apo të trefishtë, sipas kalendarit të garave, të verifikuar nga Komiteti Ekzekutiv i FFK-së deri ne marrjen e ndonje Vendimi tjetër nga KE i FFK-së. Të gjitha ndeshjet zhvillohen sipas Rregullave ndërkombëtare të lojës së futbollit të aprovuara nga UEFA.

Neni 8

Ndeshja zhvillohet në fushën të cilën e përcakton ekipi nikoqir para fillimit të Kampionatit e cila duhet të jetë e pranuar për atë rang të garave nga Komisioni për pranimin e fushave. Ekipi nikoqir poashtu në fillim duhet të përcaktojë edhe fushën alternative. Me kërkesë të posaçme të cilën duhet ta aprovojë Komisioni i Garave lihet mundësia e ndryshimit të vendit (fushës) për atë ekip i cili nuk ka mundësi ta zhvillojë ndeshjen në fushën e vet. Por, ai ekip është i obliguar ta përgatitë fushën për lojë dhe të ndërmarrë të gjitha masat e nevojshme për organizimin dhe sigurimin e ndeshjes.

Ekipi i cili nuk e përgatitë fushën për zhvillimin e ndeshjes (pastrimin nga të reshurat atmosferike, vizatimin me vija të dukshme etj., të njëjtën e humb me rezultat zyrtar, nëse vërtetohet se nuk ka ndërmarrë masat e parapara me rregullat e lojës së futbollit dhe obligimet që dalin nga to.

II.ORARI I GARAVE

Neni 9

Orarin e ndeshjeve e përcakton Komisioni i Garave, më së voni 15 ditë para fillimit të garave (stinorit vjeshtor dhe pranveror), duke pasur parasysh kalendarin e garave të FFK-së, të cilin e miraton KE i FFK-së.

Orari i ndeshjeve përcaktohet me short, në prezencën e përfaqësuesve të klubeve, dhe duhet të bëhet së paku 15 ditë para fillimit të kampionatit (sistemi i Bergerit). Gjatë tërheqjes së numrave për short, klubet që shfrytëzojnë të njëjtën fushë për ndeshje, apo që janë të të njëjtit qytet, dhe luajnë në të njëjtin rang garash, mund të kërkojnë shortin e dirigjuar, të cilin duhet ta aprovojë Komisioni, në mënyrë që të evitohet ndeshja e dy ekipeve që përdorin fushën e njëjtë në të njëjtën ditë.

Neni 10

Ndeshjet kampionale zhvillohen të shtunave, të dielave apo edhe ndonjë ditë tjetër nëse për këtë vendos komisioni i Garave me kërkesën e kompanisë fituese televizive. Komisioni i garave mund të vendos që ndeshjet e ndonjë xhiroje të luhen të mërkurën. Klubet, para fillimit të stinorit (të vjeshtës apo të pranverës), me rastin e licencimit të klubit, duhet të propozojnë se a do të luajnë si nikoqir, të shtunën apo të dielën por të drejtën për të vendosur për ditën dhe orën e zhvillimit të ndeshjes e ka Komisioni i Garave dhe KE në raste të veçanta. Klubi nikoqir, për ndeshje të caktuar, mund të propozon të ndryshojë terminin (nga e shtuna në të diel apo anasjelltas apo orën e zhvillimit të ndeshjes), me kusht që për këtë të paraqesë kërkesë me shkrim (së bashku me arsyetimin përkatës) Komisionit të garave i cili është i obliguar që të njoftojë edhe klubin kundërshtar, 5 ditë para terminit të ri të ndeshjes.

Komisioni i Garave mund të vendos që ndeshja e paraparë për të shtunën apo të dielën të zhvillohet gjatë një dite pune, sipas marrëveshjes me shkrim të dy klubeve, të prezentuar në Komisionin i Garave, së paku 5 ditë para zhvillimit të ndeshjes dhe e vërtetuar nga ana e Komisionit të Garave si dhe nëse nuk ka ankesa nga klubet

tjera për atë ndeshje e cila mund të jetë e rëndësishme edhe për plasmanin e ndonjë ekipi tjetër.

Marrëveshjet e këtilla, nuk do të pranohen për ndeshjet e tri xhirove të fundit të garave kampionale.

Neni 11

Në interes të rregullsisë së garave, Komisioni i garave me pëlqimin e Komitetit Ekzekutiv të FFK-së, mund të vendos që ndeshjet e tri xhirove të fundit të kampionatit, të zhvillohen në të njëjtën ditë dhe në të njëjtën kohë.

III.SHTYRJA E NDESHJEVE

Neni 12

Shtyrjen e ndeshjes mund ta lejojë vetëm Komisioni i garave, e në raste të veçanta edhe Komisioni për çështje urgjente i KE të FFK-së.

Ndeshja obligativisht shtyhet në këto raste:

- kur është ditë zie,
- për shkak të fuqisë madhore (tërmeti, zjarri, vërshimet etj).
- nëse ndeshja ka qenë e obligueshme të shtyhet për shkak të mungesës së

personelit të deleguar (gjyqtarëve), e njëjta do të zhvillohet ditën e nesërme në të njëjtin vend dhe të njëjtën kohë.

Para fillimit të ndeshjes e cila luhet pas kalimit të ditës së zisë, mbahet një minutë heshtjeje në mënyrën e paraparë me rregullat e lojës së futbollit. Nëse ekipi i jepë dy apo më shumë lojtarë për Reprerentacionin e Kosovës, për ta zhvilluar ndeshjen e paraparë të Reprerentacionit, atëherë kërkesa e Klubit mund të ndryshojë orarin e zhvillimit të ndeshjes Kampionale apo të Kupës. Komisioni i garave është i obliguar që, sipas kërkesës së ekipit të interesuar, të njohtojë ekipet dhe personat zyrtar për shtyerjen e ndeshjes, gjegjësisht caktimin e terminit të ri për zhvillimin e ndeshjes dhe atë 3 ditë para zhvillimit të saj.

Ndeshja e shtyrë në mënyrën e sipërshënuar, duhet patjetër të zhvillohet në ditë pune para javës-xhiros së radhës.

Shpenzimet për ndërrimin e orarit të garave, i bartë paraqitësi i kërkesës.

Neni 13

Në rast se ndeshja nuk zhvillohet për shkak të mosardhjes së organeve zyrtare, (gjyqtarëve-delegatit), klubet kanë mundësi të bëjnë marrëveshje me shkrim mbi terminin e ri të ndeshjes, e kjo marrëveshje i përcillet Komisionit të garave, i cili duhet të vendosë për këtë.

Në rast të mosmarrëveshjes lidhur me shpenzimet për shtyrjen e ndeshjes, vendos Komisioni i garave.

Në qoftë se ndeshja e filluar ndërprehet për shkaqe të paparapara (fuqia madhore) ndeshja do të fillojë në atë minutë në të cilën është ndërprerë.

Për ndeshjen e vazhduar për shkaqe të ndërprerjes nga fuqia madhore, shpenzimet e veta të udhëtimit i bartë vet ekipi mysafir, ndërsa të personave zyrtar i paguan klubi nikoqir.

Neni 14

Plasmani i ekipeve përcaktohet në bazë të pikave të fituara gjatë kampionatit. Për fitore ekipit i takojnë 3 pikë, për barazim të dy ekipet marrin nga 1 pikë, ndërsa për humbje 0 pikë. Përcaktimi i renditjes tabelare detalisht përshkruhet në nenin 64 të Rregullores së garave.

IV. F U S H A T

Neni 15

Të gjitha klubet obligativisht duhet t'i kenë fushat e veta apo të huazuara, në bazë të marrëveshjes, për çdo vit garues (të cilat duhet të mirëmbahen, të përgatiten për ndeshje, të pastrohen nga të reshurat atmosferike dhe të krijojnë kushtet për zhvillimin e ndeshjes së caktuar).

Mos ndërmarrja e masave për përgatitjen e terrenit për ndeshje (pastrimi, vizatimi, etj, sanksionon ekipin mikpritës me humbjen e ndeshjes me rezultat zyrtar.

Secila fushë duhet të jetë e regjistruar për zhvillimin e ndeshjeve për kategoritë përkatëse, me shenjën “kategoritë e ndeshjeve“ të cilat mund të luhen në të.

Regjistrimin dhe kategorizimin e fushës, me Vendim të posaçëm, e bënë Komisioni për inspektimin dhe pranimin e fushave, të cilin e emëron Komiteti Ekzekutiv i FFK-së.

Fusha e lojës (terreni) duhet të jetë nga bari natyral apo nga bari artificial i lejuar nga UEFA dhe komisioni për inspektim të fushave, ndërsa ngjyra duhet të jetë e gjelbërt.

Proporcionet e fushës duhet të jenë standarde për gara ndërkombëtare: 105m x 68m. ose min. 100m x 64m. (UEFA parasheh proporcionet edhe maksimale 120 x 80 metra).

Klubi Futbollistik duhet të vërtetojë se në mënyrë ligjore ka të drejtën në shfrytëzimin e stadiumit (është pronar) ose se ka kontratë me shkrim me pronarin e stadiumit.

Për Superligë proporcionet e fushës duhet të jenë: min. 100m x 60m. Max: 120m x 80m.

Për Ligën e Parë proporcionet e fushës duhet të jenë: min. 100m x 60m Max: 120m x 80m.

Për Ligën e dytë dhe më poshtë: 90m x 60m. dhe Max 120m x 80m.

Kriteret e UEFA-së parashohin që çdo ekip i licencuar duhet të ketë edhe terrenet ndihmëse dhe objektet përcjellëse për ushtrime.

Elementet kryesore në të cilat mbështetet inspektimi nga Komisioni i FFK-së:

1. Shtyllat dhe këndet në përmasa standarde,
2. Fusha e mbuluar me bar,
3. Bankinat për vendas, mysafirë dhe personat zyrtarë, duhet të jenë sa më afër zhveshtoreve,
4. Rrethoja e fushës,
5. Zhveshtorja për ekipin mysafir,
6. Zhveshtorja për ekipin vendas,
7. Zhveshtorja për gjyqtarë,
8. Zyra për personat zyrtarë,
9. Banjo dhe toalet për ekipin mysafir,
10. Banjo dhe toalet për ekipin vendas,
11. Banjo dhe toaleti për gjyqtarë dhe personat zyrtarë,
12. Hapësira e caktuar për media

Dimensionet e fushës duhet të jenë:

Për Superligë proporcionet e fushës duhet të jenë: min. 100m x 60m. Max: 120m x 80m.

Për Ligën e Parë proporcionet e fushës duhet të jenë: min. 100 m x 60m Max: 120m x 80m.

Për Ligën e dytë dhe më poshtë: 90m x 60m. dhe Max 120m x 80m.

Fusha e lojës duhet të jetë e shënuar me vija të cilat nuk duhet të jenë më të gjera se 12 cm.

Radiusi (rrethi) i vijës së rrumbullaksuar në qendër duhet të jetë 9.15m. Shtyllat e golit (10-12 cm) duhet të vendosen në mes të qendrës së vijës së fundit dhe duhet të jetë e gjerë 7.32 m. dhe e gjatë 2.44 m. Ato duhet të jenë të përforcuara dhe të siguruara mirë.

Vija e parë prej portës (trashësia 10-12 cm) për në qendër duhet të jetë 5.5m ndërsa e dyta 16.5 m.

Pika e penaltisë duhet të shënohet në largësi prej 11m dhe në qendër. Flamuri i kornerit duhet të vendoset në të katër anët me lartësi prej 1.5m, ndërsa radiusi i rrethit të kornerit duhet të jetë 1 m. Flamujt preferohet të vendosen edhe në të dy skajet e qendrës së fushës mirëpo gjatësia duhet të jetë 1 m.

Detyrat e organizatorit të ndeshjes

Neni 16

1. Organizimin e ngjarjeve sportive e bënë Federata e Futbollit e Kosovës.
2. Organizimin e ngjarjeve sportive mund ta bëjnë klubet sportive, organizatat e sportistëve, shoqatat e sportistëve edhe personat fizikë apo juridikë që paraprakisht kanë bërë marrëveshje me federatën e futbollit të Kosovës.
3. Organizatori i ngjarjeve sportive është i obliguar të ndërmarrë të gjitha veprimet e nevojshme për sigurimin e ngjarjes sportive, e në veçanti duhet te

kujdeset për masat parandaluese të shfaqjes së dhunës dhe sjelljeve të palejuara.

Të gjithë organizatorët e ngjarjeve sportive në futboll përpos që implementojnë dispozitat obligative nga aktet normative të FFK-së, iu nënshtrohen edhe Ligjit mbi parandalimin e dhunës dhe dukurive negative në sport e sidomos në kapitujt:

- Dhuna, sjelljet e palejuara, kurdisjet dhe dukuritë negative në ngjarjet sportive;
- Masat organizative;
- Masat preventive;
- Obligimet e organizatorit në ngjarjet sportive me rrezikshmëri të lartë;
- Obligimet e organizatorit për mbajtjen e evidencave përkatëse;
- Obligimet e organizatorit për sigurimin e kushteve teknike;
- MASAT TË CILAT I NDËRMARRIN ORGANET SHTETËRORE KOMPETENTE;
- BARTJA E SHPENZIMEVE LIDHUR ME MASAT E SHQIPTUARA;
- Masat disiplinore dhe direktivat;
- Masat disiplinore kundër anëtarëve dhe klubeve, etj.

CAKTIMI I FUSHËS DHE FILLIMI I NDESHJES

Neni 17

Orarin dhe kohën e zhvillimit të ndeshjeve, veçanërisht për çdo javë-xhiro e cakton Komisioni i garave një javë para zhvillimit të ndeshjeve, duke pasur parasysh kërkesat dhe mundësitë e klubeve.

Orari i ndeshjeve i përcaktuar sipas këtij neni, mund të ndryshohet nga shkak i fuqisë madhore apo ndonjë rasti të jashtëzakonshëm, më së voni 3 ditë para ndeshjes, e lidhur me të, duhet të lajmërohen klubet si dhe organet zyrtare të ndeshjes.

Kur në vend zhvillohen apo drejtëpërdrejt transmetohen përmes televizionit ndeshje të rëndësishme ndërkombëtare, orari i ndeshjeve mund të ndryshojë gjegjësisht të rregullohet, ashtu që lojtarëve, klubeve, publikut etj. t'ju mundësohet përcjellja e këtyre ndeshjeve.

Neni 18

Organizimin e ndeshjeve, e bënë klubi nikoqir. Si klub nikoqir nënkuptohet, klubi i parë i theksuar në orarin e ndeshjeve.

Neni 19

Klubi nikoqir është i obliguar:

- Që për secilën ndeshje me shkrim ta paralajmërojë, apo të ketë Kontratë të nënshkruar me organin për siguri publike (Policinë e Kosovës), më së voni 3 ditë para zhvillimit të ndeshjes dhe të kërkojë numër të nevojshëm të pjesëtarëve të sigurimit.
- Të ketë lejen e organit të sigurisë publike, Policisë së Kosovës, (në raste të veçanta edhe nga KFOR-i apo Forca e Sigurisë së Kosovës), për organizimin e ndeshjes apo vërtetimin mbi pranimin e paraqitjes me shkrim, klubi nikoqir ia dorëzon delegatit të ndeshjes para fillimit të saj, e kjo së bashku me protokol i përcillet Federatës gjegjësisht Komisionit të garave.
- Të caktojë përfaqësuesin zyrtar për siguri, që medoemos duhet të jetë anëtar i Kryesisë së klubit, dhe i cili duhet të kujdeset për sigurinë gjatë ndeshjes dhe pas saj.
- Emrin e përfaqësuesit zyrtar dhe përfaqësuesit zyrtar për siguri, me autorizim, klubi nikoqir ia dorëzon delegatit të ndeshjes, i cili ia bashkangjet raportit të vet plotësues i cili i dërgohet Komisionit të garave.
- Përfaqësuesi zyrtar është përgjegjës për organizimin e përgjithshëm të ndeshjes si dhe plotësimin, gjegjësisht mundësimin e kushteve për kryerjen e detyrës, delegatit të ndeshjes.
- Zyrtari përgjegjës për siguri duhet të bënë sigurimin e gjyqtarëve, delegatit, mysafirëve, klubit të vet dhe organeve tjera zyrtare, para, gjatë dhe pas ndeshjes.
- Që gjatë kohës së ndeshjes ta sigurojë automjetin e ndihmës së parë (obligative për ekipet e Superligës dhe Ligës së Parë) apo ndonjë automjet tjetër i dedikuar për ndihmë të shpejtë.
- Që gjatë kohës së zhvillimit të ndeshjes tek shikuesit, të ndalojë shitjen e pijeve alkoholike si dhe pijeve tjera joalkoholike me ambalazhë qelqi, plastike apo metali.
- Të bëjë regjistrimin e tabelave të automjetit kujdestar, me emër dhe mbiemër të mjekut, e kjo t'i dorëzohet vëzhguesit të ndeshjes.

- Që në prezencën e delegatit apo gjyqtarit (në rast të mungesës së delegatit) dhe përfaqësuesve zyrtar të klubeve, të përpilojë protokolin e ndeshjes, më së voni 15 minuta

para fillimit të ndeshjes. Protokoli përpilohet në 4 ekzemplar. Pas përfundimit të ndeshjes gjegjësisht protokolit, protokoli origjinal i dorëzohet delegatit të ndeshjes, ekzemplari i dytë nikoqirit, ndërsa ekzemplari i tretë klubit mysafir. Ekzemplari i katërt shërben për gazetarët të cilët e përcjellin ndeshjen.

Protokoli, obligativisht shtypet me kompjuter ose makinë shkrimi. Mospërfillja e kësaj (mbushja e protokolit me stilo-laps) për skuadrat e Superligës dhe të Ligës së parë, ndëshkohet.

Të sigurojë mbledhësit e topave (pionierë), ndërsa numri i tyre duhet të jetë maksimum 12 me veshje sportive, të cilat dallohen nga ato të lojtarëve të cilët luajnë në fushë.

Të mos lejoj që në lokalet zyrtare të futen persona të cilët nuk kanë të drejtë.

Të siguroj së paku 3 topa për lojë, të përshtatshëm dhe kualitativ.

Që përfaqësuesve zyrtar, trajnerëve, mjekut, fizioterapeutit, t'iu siguroj ëmblemat (shenjat) që do t'i bartin gjatë ndeshjes.

Ta siguroj përcjelljen pa pengesa të ndeshjes, klubit mysafir dhe organeve zyrtare. T'i përfillë vendimet tjera, të cilat, në raste të veçanta, sipas nevojës, i merr Komiteti Ekzekutiv i FFK-së.

Ekipi nikoqir është i obliguar ta bëjë sigurimin e fushës gjatë tërë kohës së zhvillimit të ndeshjes, përmes pranisë së pjesëtarëve të Policisë së Republikës së Kosovës.

Në raste të veçanta sigurimin e ndeshjes mund ta bëjë edhe KFOR-i, Forca e Sigurisë së Kosovës. Asistencë në siguri mund të bëjë edhe sigurimi privat, por për këtë duhet të marr pëlqimin e Komisionit që udhëheq me garat.

Në rastet kur ndeshja nuk zhvillohet për shkak se ekipi nikoqir nuk ka siguruar praninë e pjesëtarëve të forcave të theksuara në alinenë paraprake, atëherë:

Komisionii i garave i rangut përkatës, do të caktojë terminin tjetër për zhvillimin e kësaj ndeshjeje të pafilluar, në pajtim me dispozitat e akteve normative të FFK-së, ndërsa të gjitha shpenzimet e përsëritura për personat zyrtar si dhe shpenzimet e ekipit mysafir (udhëtimi dhe një racion-shujtë), i bartë ekipi nikoqir.

Nëse kjo ndeshje nuk zhvillohet as në terminin e përsëritur, caktuar nga Komisioni i garave për arsye të njëjtë, atëherë ekipi nikoqir – organizatori i ndeshjes, të njëjtën e humb me rezultatin zyrtar - Parforfe (3:0).

Neni 20

Në të gjitha ndeshjet e futbollit, brenda rrethojës së fushës, në vendet përkatëse, mund të gjenden personat me sa vijon:

- Kryetrajneri për Superligë, duhet të ketë së paku Licencën A të UEFA-s, ndërsa për Ligën e parë së paku licencën B UEFA, (deri në vendimin tjetër të KE të FFK-së), në të kundërtën trajneri i palicencuar largohet nga pankina, ndërsa klubi dënohet me 500 euro.
- më së shumti 7 lojtarë rezervistë, të shënuar në protokolin e ndeshjes, me përgatitje sportive.
- mjeku me ëmblemën-shenjën përkatëse,
- fizioterapeuti me ëmblemën-shenjën përkatëse,
- personi zyrtar i klubit, me ëmblemën-shenjën përkatëse,
- vëzhguesi i ndeshjes, me ëmblemën-shenjën përkatëse të FFK-së,
- fotoreporterët-gazetarët, me shenjat e medieve që iu përkasin,
- përfaqësuesit e rendit dhe sigurisë publike,
- Zyrtari i klubit përgjegjës për siguri si dhe pionierët e klubit për mbledhjen e topave, me formën përkatëse.

Neni 21

Në rast se dikush nga personat e lartëpërmendur nga neni 28, nuk e ka përgatitjen përkatëse, ëmblemën-shenjën apo ID, delegati i ndeshjes do të kërkojë nga përfaqësuesi zyrtar apo përgjegjësi për siguri i klubit nikoqir, që personat e tillë të largohen nga fusha.

Në rast se kërkesa e delegatit nuk përfilllet, ndeshja nuk mund të fillojë, apo nëse ka filluar nuk mund të vazhdojë.

VI. PARAQITJA E PARË DHE IDENTITETI I LOJTARËVE

Neni 22

Të gjithë lojtarët që paraqiten në ndeshje, duhet të kenë në rregull librezën e garave për ndeshje. Nga librezja qartë duhet të shihet se është bërë kontrollimi mjekësor i tij dhe se është paguar anëtarësia si dhe është bërë licencimi i lojtarit. Kontrollimin mjekësor, lojtarët e bëjnë dy herë në vit - para fillimit të stinorit vjeshtor gjegjësisht stinorit pranveror, te mjeku specialist i medicinës sportive, i cili aftësinë e lojtarit e konstaton në librezën sportive të lojtarit.

Nëqoftëse lojtari paraqitet në ndeshje pa kontrollimin e kryer mjekësor, pa anëtarësi të paguar, apo licencim, ndeshja do të regjistrohet me rezultat zyrtar (3:0) në të mirë të ekipit kundërshtar, nëse nuk është arrit rezultat më i volitshëm për kundërshtarin, kurse ndaj lojtarit dhe klubit do të ngritet procedura disiplinore.

Lojtari më i ri se 17 vjet, për t'u paraqitur në ekipin e seniorëve duhet në mënyrë obligative t'i nënshtrohet kontrollimit special mjekësor, i cili shënohet në librezë sportive

të lojtarit, ndërsa verifikohet (dhe vulozet) në FFK. Nëse konstatohet se nuk është përmbushur kjo dispozitë, ekipi që aktivizon lojtarë të këtillë ndeshjen e humb me rezultat zyrtar, ndërsa ndaj lojtarit dhe ndaj klubit, pas inicimit të procedurës dicipline (nga ana e Komisionit të garave) do të shqiptohet masa e paraparë me Rregulloren disiplinore.

Neni 23

Në ekipin e senioreve mundet te inkuadrohet edhe lojtaret me te rinje se 17 vjeqar por duhet te marrin lejen speciale te leshuar nga Institucioni i Mjekësisë Sportive, që të lejohet angazhimi i këtyre lojtarëve.

Neni 24

Në ndeshje mund të paraqiten vetëm lojtarët të cilët janë të evidentuar-licencuar në FFK.

Lojtari i kategorisë së re i cili mbush moshën për të garuar tek Juniorët e ekipit të njëjtë, përpos licencimit në LRF duhet të bëjë edhe licencimin në shërbimin administrativ të FFK-së.

Identifikimin e lojtarëve e bënë delegati i ndeshjes, në mungesë të tij, këtë detyrë e kryen, sipas Rregullores, gjyqtari kryesor i ndeshjes dhe ate para fillimit, gjatë dhe pas ndeshjes.

Përfaqësuesit e ekipeve kanë të drejtë të vërtetojnë identitetin e lojtarëve të ekipit tjetër dhe ate para fillimit të ndeshjes. Për identifikimin e lojtarëve shërben librezat sportive e FFK-së.

Nëqoftëse lojtari nuk posedon librezën sportive, identifikimi i tij bëhet në bazë të dokumentit publik (leja personale-pasaporta), e në rast të mungesës së tyre, bëhet fotografimi i lojtarit me delegatin. Fotografinë e siguron ai ekip, i cili në radhët e veta ka futbollistë pa librezë sportive.

Klubi është i obliguar që brenda 24 orëve, librezën sportive të lojtarit t'ia prezentoj Komisionit të Garave.

Neni 25

Identiteti i lojtarit dhe rezervistit të cilët janë shënuar në protokol, e nuk kanë mbërrirë deri në fillim të ndeshjes, do të vërtetohet gjatë pushimit të mespjesëve të ndeshjes apo menjëherë pas përfundimit të ndeshjes, para përpilimit të Protokolit të ndeshjes.

Përfaqësuesit zyrtar të klubeve, e kanë obligim që 45 minuta para fillimit të ndeshjes, delegatit të ndeshjes apo gjyqtarit kryesor (nëse mungon- delegati), t'ia dorëzojnë librezat sportive të lojtarëve.

Klubi nikoqir është i obliguar të siguroj ekzemplar të mjaftueshëm të protokolit si dhe kompjuterin apo makinën e shkrimit, sipas Rregullave të këtyre Propozicioneve.

VII. DELEGATËT

Neni 26

Listën e delegatëve për çdo rang të garave veç e veç, me propozimin e komisionit përkatës, e shqyrton dhe e aprovon Komiteti Ekzekutiv i FFK-së . Sipas nevojës

delegati nga lista e rangut më të lartë mund të angazhohet në ndeshjet e rangut më të ulët.
Sipas vlerësimit të vetë dhe nevojës, " Super vëzhguesit" e ndeshjes i cakton Kryetari i FFK-së.

Neni 27

Delegati është i obliguar t'i njoh Propozicionet e garave si dhe aktet tjera normative të FFK-së.

Neni 28

Delegatët janë të obliguar të marrin pjesë në seminare të dedikuara për delegat, të cilat i organizon FFK-ja. Në të kundërtën, ata nuk mund të gjenden në listën e delegatëve .

Neni 29

Delegati është i obliguar, që në rast të ndërprerjes së ndeshjes, përjashtimit të lojtarëve, mosmarëveshtjeve eventuale në mes të klubeve të paraqitura lidhur me garat e raste të tjera të ngajshme diskutabile, të parshkruaj detajisht dhe me korrektësi të gjitha momentet e nevojshme të cilat janë të domosdoshme për marrjen e vendimit nga organi përkatës.

Neni 30

Delegati është i obliguar që në Protokol të ndeshjes, pas vërejtjes së gjendjes, të konstatojë plotësimin e kushteve të parapara për zhvillimin e ndeshjes, të cilat janë të rregulluara me këto Propozicione dhe akte të tjera normative të FFK-së.

Neni 31

Delegati në ndeshje, si përfaqësues zyrtar i Federatës, përfaqëson Komisionin e garave dhe bënë mbikqyrjen e zhvillimit të ndeshjes.

Delegati, gjatë kohës së ndeshjes dhe kryerjes së detyrës, bartë amblemën-shenjën e FFK-së, të cilën ia siguron Federata.

Delegati është i obliguar të përcjell, vlerësoj dhe të përshkruaj objektivisht të gjitha kushtet dhe përfilljen e rregullave të këtyre Propozicioneve. Ai kryen mbikqyrjen e organizimit të ndeshjes dhe u mundëson ndihmë të plotë klubeve dhe gjyqtarëve. Detyrat konkrete të delegatit janë:

- të paraqitet në fushë më së paku një orë para fillimit të ndeshjes së caktuar,
- deri në kohën e caktuar për fillimin e ndeshjes, të konstatoj identitetin e lojtarëve dhe rregullësinë e librezave sportive të futbollit,
- përfaqësuesve të klubeve t'u mundësoj shiqimin e librezave sportive të lojtarëve të klubit rival,
- të kujdesët që Protokoli i ndeshjes të përpilohet në rregull, dukshëm dhe lexueshëm (me makinë shkrimi),
- të ndalojë hyrjen në pjesën e caktuar të fushës, të gjithë atyre që për këtë nuk kanë të drejtë, si dhe personave zyrtar të cilët nuk i plotësojnë kushtet nga këto Propozicione,
- që librezat sportive të futbollit dhe protokolin e ndeshjes, t'i mban me vehte deri në përfundimin e ndeshjes, për arsye të përcjelljes dhe kontrollimit më të mirë të ndeshjes.
- Që, menjëherë pas përfundimit të ndeshjes, në protokol ta bëjë vlerësimin-notimin e gjyqtarëve të ndeshjes (nëse nuk ka vëzhgues të referimit) , në bazë të udhëzimeve të cilat i ka paraparë Komiteti Ekzekutiv i FFK-së,
- të kontrolloj organizimin e ndeshjes,
- që pas përfundimit të ndeshjes, në prani të përfaqësuesëve zyrtar të klubeve dhe gjyqtarëve, të përpiloj protokolin e ndeshjes së zhvilluar dhe që eventualisht të marrë në pyetje personat e nevojshëm, njëkohësisht t'i mbaj librezat sportive të lojtarëve të përjashtuar, të marr deklaratat e të dënuarëve dhe këtë ta konstatoj në protokolin e ndeshjes,
- gjyqtari, gjyqtarët ndihmës, përfaqësuesit zyrtar të të dy klubeve si dhe lojtarët e përjashtuar apo trajneri (dhe personat e përjashtuar nga bankina) janë të obliguar

që me kërkesën e delegatit të ndeshjes, të japin deklaratat, përgjigje të sakta dhe precize, të cilat shënohen në protokolin e ndeshjes,

- delegati ka autorizime të mëdha ndaj përfaqësuesit zyrtar, njëkohësisht edhe shërbimit të rendit për siguri publike,

- delegati nuk ka të drejtë të përzihet në vendimet e gjyqtarit,

- delegati nuk ka të drejtë të ndalojë pjesëmarrjen e ndonjë lojtari në lojë, por mund t'i sugjeroj klubit për pasojat eventuale për pjesëmarrjen e atij lojtari, në bazë të Rregulloreve në fuqi të FFK-së,

- delegati nuk ka autorizime të jap kurfarë deklarate publike lidhur me ndeshjen,

- delegati është i obliguar që raportin e vet plotësues, protokolin e ndeshjes, si dhe komplet dokumentacionin përcjellës të ndeshjes ta dërgoj në afat prej 24 orë, në shërbimin administrativ të Federatës(Komisionit të garave).

Në rast të mungesës së delegatit, detyrën e tij e kryen gjyqtari kryesor i ndeshjes.

Neni 32

Komisioni i garave, ka të drejtë dhe është i obliguar të ndërrmar masa për ndalimin e kryerjes së detyrës së delegatit, atyre delegatëve të cilët nuk i kryejnë detyrat e veta në pajtim me këto Propozicione.

Masat e ndërrmarra, shpallen në Faqen zyrtare të FFK-së dhe "buletinin zyrtar" të FFK-së.

Neni 33

Komisioni i garave, mund të japë udhëzime të veçanta, për kryerjen e detyrës së vëzhguesit të ndeshjes.

VIII. GJYQTARËT

Neni 34

Listën e gjyqtarëve, për çdo rang të garave veç e veç, e propozon Komisioni për Gjyqtarë i FFK-së i caktuar nga ana e KE të FFK-së, ndërsa e verifikon dhe aprovon Komiteti Ekzekutiv i FFK-së.

Neni 35

Gjyqtarët i cakton komisioni për delegimin e gjyqtarëve, në bashkëpunim me përgjegjësin e atij rangu të garave.

Komisionin për delegimin e gjyqtarëve e zgjedh Komiteti Ekzekutiv i FFK-së.

Neni 36

Inicimin e procedurës disiplinore ndaj gjyqtarëve të cilët nuk i aplikojnë me përpikëri Rregullat e lojës së futbollit apo ato i aplikojnë gabimisht, e bënë Komisioni i garave i rangut gjegjës, dhe atë tek Komisioni disiplinor i shkallës së parë të FFK-së.

Neni 37

Ndeshjet kampionale ose të Kupës si dhe të gjitha ndeshjet publike, i referon vetëm gjyqtari i kualifikuar për rangun përkatës.

Neni 38

Gjyqtari është i obliguar që në bazë të Rregullave të lojës së futbollit, para fillimit të ndeshjes të shiqoj fushën dhe njëherit do të vendosë se a është ajo e përshtatshme për lojë apo jo.

Në rast se gjyqtari konstaton, në praninë e kapitenëve të të dy ekipeve, se në kohën e caktuar për fillimin e ndeshjes fusha nuk është e përshtatshme për lojë, ndeshja nuk mund të zhvillohet. Vendimin lidhur me te ia përcjellë vëzhguesit të ndeshjes, ndërsa klubet janë të obliguara të veprojnë sipas dispozitave të këtyre Propozicioneve.

Gjendja faktike nga vendi i ngjarjes konstatohet në Protokolin e ndeshjes dhe nënshkruhet nga të gjithë personat e autorizuar, e cila në afatin prej 24 orëve i dorëzohet Komisionit të garave të rangut gjegjës.

Neni 39

Nëse gjyqtari kryesor i ndeshjes nuk paraqitet në fushë në kohën e paraparë, ndeshjen do ta udhëheq gjyqtari i katërt (nëse është i caktuar) ose gjyqtari i parë ndihmës. Në rast se edhe gjyqtari i parë ndihmës nuk paraqitet, atëherë ndeshjen do ta referoj gjyqtari i dytë ndihmës.

Në rast se në ndeshjen e caktuar nuk paraqitet treshi i gjyqtarëve të deleguar, vdelegati i ndeshjes, pas konsultimit me përfaqësuesit zyrtar të klubeve do të merr vendim që ndeshjen ta referoj njëri nga gjyqtarët (e sprovuar) të pranishëm në stadium. Nëse, në mes të klubeve nuk arrihet marrëveshja, në atë rast vendos delegati i ndeshjes, dhe këtë e konstaton në protokolin e ndeshjes.

Për këtë përpilohet procesi me shkrim, të cilën e nënshkruajn kapitenët e ekipeve si dhe përfaqësuesit zyrtar (të autorizuar) të klubeve.

Nëse mungojnë edhe gjyqtarët edhe delegati atëherë ndeshja nuk mund të zhvillohet.

Neni 40

Gjyqtarët janë të obliguar që në protokolin e ndeshjes, të ushtrojnë fletëparaqitje kundër lojtarëve, zyrtarëve si dhe organeve tjera prezente në ndeshje, lidhur me kundërvajtjet e shkaktuara para, gjatë dhe pas ndeshjes, e që vëzhguesi i ndeshjes në bazë të

fletëparaqitjes së gjyqtarit, bënë hapjen e procedurës (marrjen e deklaratave si dhe punëve tjera që i përkasin Vëzhguesit të ndeshjes). Lojtaret dhe personat e larguar (ndëshkuar) prej Gjyqtarit obligohen të largohen menjëherë nga fusha, dhe duhet te shkojne ne vendin e posaçem ose ne tribune. Nese veprojne ndryshe bejne kundervajtje disiplinore dhe ndëshkohen sipas Rregullores Disiplinore.

IX. NDALESA E ZHVILLIMIT TË NDESHJEVE NË FUSHËN E CAKTUAR APO FUSHAT E CAKTUARA TË RAJONIT

Neni 41

Nëse klubi është i dënuar me dënimin për moshvillimin e ndeshjeve në fushën e caktuar, ai është i obliguar që më së voni 7 ditë para zhvillimit të ndeshjes ta njoftojë Komisionin e garave se në cilën fushë do ta zhvillojë ndeshjen.

Nëqoftëse fusha është e regjistruar për këtë rang të garave, Komisioni i garave do të lejoj zhvillimin e ndeshjes, e nëse nuk është ai rast, Komisioni i garave do të kërkojë prej komisionit për inspektimin e fushave të bëjë kontrollimin-shiqimin e fushës. Shpenzimet e komisionit për praninë të fushës i bartë parashtuesi i kërkesës.

Ekipi mysafir duhet të jetë i lajmëruar 48 orë, para orës së përcaktuar për fillimin e ndeshjes, për vendin e zhvillimit të ndeshjes.

Fusha për zhvillimin e ndeshjes, duhet të jetë në largësi më së paku prej 30 km. (rrugë e asfaltuar) nga stadiumi i klubit të dënuar.

Neni 42

Komisioni për praninë dhe shiqimin e fushave, duhet të ketë njohuri me Propozicionet e kësaj lëmie.

Ky Komision është në përbërje prej 3 anëtarëve (një të jetë gjyqtar apo ish gjyqtar), dhe gjatë një edicioni të garave (viti garues) kontrollimin e bënë më së paku dy herë, e nëse vlerësohet si e nevojshme, në vende të caktuara, edhe më shpesh.

X. KUNDËRVAJTJET DISCIPLINORE

Masat disiplinore dhe direktivat

Neni 43

1. Në rast të sjelljes jo sportive, shkeljes së Statutit, rregulloreve dhe vendimeve të FFK-së, trupat juridike të FFK-së kanë autorizim të aplikojnë masat disiplinore dhe vendimet në harmoni me këtë Statut dhe rregulloret disiplinore.
2. Lejohet aplikimi i më shumë masave disiplinore, po ashtu i më shumë vendimeve, rreth një qështjeje (lënde) të caktuar.
3. Mund të merret vendim dhe shtesë tjetër masës disiplinore. Ajo definon si do të ekzekutohet masa disiplinore ose si të funksionojë pala e lidhur me lëndën.

Masat disiplinore kundër anëtarëve dhe klubeve

Neni 44

Kundër anëtarëve, klubeve apo personave tjerë juridik mund të aplikohen masat disiplinore si vijon.

1. Në lidhje me anëtarët :
 - a) Paralajmërim (vërejtje);
 - b) vërejtje e rëndë;
 - c) gjobë (dënimi në të holla) ;
 - d) anulimi rezultatit të ndeshjes ;
 - e) urdhëri për zhvillimin e sërishëm të ndeshjes ;
 - f) zbritja e pikëve ;
 - g) regjistrimi i ndeshjes në favor të një klubi ;
 - h) zhvillimi i ndeshjes pa spektator;
 - i) zhvillimi i ndeshjes në territor neutral;
 - j) dënimi i stadiumit;
 - k) ndalimi i prodhimit të sinjalit televiziv për një ose më shumë ndeshje dhe /ose që sinjali televiziv për një ose më shumë ndeshje të jetë pa pagesë.
 - l) diskualifikim nga ndeshjet në vijim dhe/ose përjashtim nga kampionati i ardhshëm.
 - m) largim ;

- n) dërgimi në rang më të ulët ;
- o) ndalimi i transferit;

2. Në lidhje me personat privat (individë)

- a) Paralajmërim (vërejtje);
- b) vërejtje e rëndë;
- c) gjobë;
- d) largim;
- e) suspendim për një numër të caktuar ndeshjesh ose periudhë të caktuar;
- f) ndalim prezence në zhveshtore apo bankën e "rezervistëve";
- g) ndalesa e marrjes pjesë në çdo aktivitet të lidhur me futbollin;

3. Shqiptimi i masave të tjera juridike

Krahas dënimit për kundërvajtje sipas rregullores disiplinore të FFK-se, personave fizikë dhe juridikë që kanë kryer vepra penale në ngjarjet sportive u shqiptohen edhe masa të tjera të parapara me Kodin Penal të Kosovës.

Neni 45

Me procedurë disiplinore vendos Komisioni disiplinor i FFK-së unik për të gjitha rangjet, si organ i shkallës së Parë, i rangut përkatës për: lojtarë, klube, trajnerë, gjyqtarë dhe persona zyrtar.

Komisioni Disiplinor i Lidhjeve Rajonale do të trajtoj kundërvajtjet e kryera në garat e Lidhjes Rajonale dhe është Komision i shkallës së parë.

Komisioni për Ankesa i FFK-së, vendos mbi të gjitha ankesat disiplinore dhe garuese.

Komisioni për Ankesa është unik për të gjitha rangjet e garave dhe garave në Lidhjet rajonale.

Neni 46

Mbrojtjen e Rregullores Disciplinore dhe Akteve tjera normative të FFK-së, e bënë Komiteti Ekzekutiv i FFK-së, sipas kërkesës së parashtruar. Vendimi i Komitetit Ekzekutiv të FFK-së, është definitiv.

X/1. PROCEDURA DISCIPLINORE

Neni 47

Komisioni i garave si organ i shkallës së parë, është i obliguar që në afat prej 3 ditësh, e në raste kur kërkohet zgjidhje urgjente edhe më shkurt (nga dita e marrjes së ankesës), ta shqyrtojë ankesën.

Neni 48

Lojtari i ndëshkuar me 4 (katër) kartonë të verdhë pushon automatikisht në gjiron e radhës.

Dënimi për shkak të 4 vërejtjeve publike (kartonat e verdhë) të shqiptuara në ndeshje kampionale nuk mund të ekzekutohet në ndeshjen për Kup dhe anasjelltas. Ky rregull vlen për të gjitha kategoritë.

Vuajtja e dënimit bartet edhe në kampionatin vijues të garave nëse bëhet fjalë për kartonin e kuq apo të kuqin pas dy të verdhëve, si dhe bartet edhe dënimi i marrë në ndeshjen e fundit (kartoni i 4 i verdhë me radhe) në ndeshjen e parë kampionale vijuese.

Kartonat e tjerë të verdhë shlyhen dhe nuk barten në kampionatin vijues.

Dënimi automatik për shkak të dy vërejtjeve publike (kartonave të verdhë) në ndeshjet për Kupën e Kosovës, do të ekzekutohet në ndeshjen e parë të radhës për Kupën e Kosovës.

Lojtari i cili gjatë një ndeshjeje ndëshkohet me kartonin e dytë të verdhë, automatikisht ndëshkohet me të kuqin, dhe pushon xhiron e radhës (edhe gjiron e parë të kampionatit të ardhshëm). Ky dënim nuk mund të ekzekutohet në garat për KUP. Lojtari i cili ndëshkohet direkt me karton të kuq detyrimisht pushon xhiron e radhës qoftë për gara të rregullta, qoftë për garat e KUP-ës.

Lojtari i cili ka marrë kartonin e kuq në ndeshjet e Juniorëve nuk mund të paraqitet në ndeshjet e ekipit senior pa e vuajtur dënimin në ekipin e Juniorëve.

Neni 49

Secili klub është i obliguar që të udhëheq evidencen e vërejtjeve publike të lojtarëve të vet. Shërbimi administrativ i Federatës, në bashkëpunim me Komisionin e garave udhëheqë evidencen mbi vërejtjet publike, bënë regjistrimet dhe ato i shpallë në “Buletinin zyrtar” të FFK-së. Mosshpallja në Buletin zyrtar, nuk e liron klubin nga obligimi për të ekzekutuar dënimin e shqiptuar nga komisioni përkatës.

Neni 50

Nëse vërtetohet se Klubi mikëpritës i cili e zhvillon ndeshjën në fushë të vetë apo në fushën e kontraktuar, nuk ka ndërmarrë masa të mjaftueshme për t'i penguar incidentet, para, gjatë dhe pas ndeshjes do të dënohet në bazë të Rregullorës disiplinore të FFK-së. E njëjta do të ndodhë edhe me Klubin mysafir, simpatizuesit e të cilëve kanë inicuar apo kanë marrë pjesë në incident.

Neni 51

Nëse ndeshja ndërprehet për shkak të sulmit fizik ndaj gjyqtarëve apo lojtarëve, e njëjta do të regjistrohet me rezultat zyrtar 3:0, kurse ndaj ekipit dhe shkaktarit të incidentit, do të inicohet procedura disiplinore

Nëse shkaktari i ndërprerjes nuk është asnjëri ekip apo shikuesit, por të njëjtën e ndërprejnë gjyqtari pa ndonjë arsye të madhe, (e kjo dëshmohet pas verifikimit të gjithanshëm), e njëjta do të përsëritet.

Kundër gjyqtarit për të cilin konstatohet se ka referuar njëanshëm (ka marrë vendime të njëanshme), inicohet procedura disiplinore.

Neni 52

Në qoftë se ekipi nuk paraqitet në ndeshje për shkaqe të pa arësyeshme, ndeshjen e humb me rezultat zyrtar 3:0 dhe mund të dënohet me marrjen (minus pikëve) prej 3 e deri 9 pikëve nga pikat e përgjithshme të fituara, apo të 9 pikëve negative.

Nëqoftëse një ekip pa arsye nuk paraqitet në (2) dy ndeshje (ndërsa mungesën nuk e ka arsyetuar) gjatë një kampionati (vjeshtor – pranveror), do të largohet nga garat e mëtejme.

Tek Juniorët përjashtimi bëhet pas mungesës në 3 (tri) ndeshje pa arsye.

Ekipi i cili xhirot e fundit nuk udhëton në ndeshje pa arsye mund të dënohet nga Komisioni i Garave përkatëse me minus tri deri minus gjashtë pikë për sezonin e ardhshëm garues.

XI. REGJISTRIMI I NDESHJEVE TË KLUBIT TË SUSPENDUAR

Neni 53

Klubi i cili gjendet nën suspendim për shkak të moskryerjes së obligimeve të ndryshme, nuk mund të paraqitet në ndeshje, kurse ndeshja do të regjistrohet me rezultat zyrtar 3:0 në dobi të klubit kundërshtar, kurse ndaj klubit do të merren masa rigoroze në përputhje me dispozitat e Rregullores Disciplinore të FFK-së. Edhe në rastet kur ndeshja zhvillohet, klubi që ndeshjen e zhvillon nën suspendim, do ta humb atë me rezultat zyrtar -3:0 dhe ndaj tij do të inicohet procedura disiplinore.

Nëse, të dy klubet luajnë nën suspendim ndeshja do të konsiderohet sikur të mos ishte zhvilluar fare dhe asnjëra prej ekipeve nuk merrë pike. Ekipet do të përballen me procedurë disiplinore.

XII. A N K E S A T

Neni 54

Ankesa lidhur me ndeshje paralajmërohet në protokolin e ndeshjes (lidhur më paraqitjen e lojtarëve, anëtarësisë, apo licencimit), apo jashtë tij, në afat prej 24 orësh.

Paralajmërimin e ankesës mund ta bëjë edhe pala e tretë e interesuar për rezultatin e ndeshjes dhe atë në afat prej 24 orësh.

Paralajmërimi i ankesës mund të bëhet në afatin e cekur më shkrim ose në mënyrë telegrafike, në adresë të Federatës.

Arsyetimin përkatës, duhet dorëzuar më së largu 48 orë pas përfundimit të ndeshjes, Komisionit të garave të rangut përkatës.

Krahas ankesës duhet bashkangjitur fletëpagesën e taksës për ankesë në vlerë prej 100 eurosh.

Nëqoftëse ankesa nuk është paralajmëruar në protokolin e ndeshjes ose në afat prej 24 orësh pas përfundimit të ndeshjes, apo nuk është kompletuar material i duhur (jokomplet), apo nuk është taksuar, nuk do të shqyrtohet fare.

Neni 55

Për secilën ankesë në shkallën e Parë, duhet të vendosët në afat prej 8 ditësh nga dita e pranimit të ankesës, përveq nëse ankesa është e motivuar nga rastet që kërkojnë zgjidhje urgjente. Komisioni i garave, ato ankesa, është i obliguar që t'i shqyrtoj në afat prej tri (3) ditësh nga dita e marrjes së ankesës.

Ankesa në Komisionin për Ankesa, duhet të jetë e shqyrtuar në afat prej 8 ditëve nga dita e paraqitjes së ankesës me dëshmi të pagesës. Të gjitha ankesat duhet shqyrtuar deri në parazhvillimin e ndeshjes së fundit të kampionatit gjegjësisht atij stinori të garave.

Nëse edhe në afat prej 8 ditësh, nuk zgjidhet ankesa, pala e cila ka parashtruar ankesë, duhet ta konsideron se ankesa i është refuzuar dhe mund të parashtrojë Kërkesë për mbrojtjen e ligjshmërisë, pas 15 diteve nga dita e protokollimit të Ankeses në Komisionin për Ankesa.

Afati për ushtrimin e Kërkesës për mbrojtjen e Rregullorës është 15 ditë, (pra më së largu 30 ditë nga protokollimi i ankesës për shkallën e II, në FFK në rast se nuk ka Vendim të shkallës të II).

Kur xhirot zhvillohen ditën e diel dhe menjëherë të mërkurën atëherë afati për kompletim të lëndës së ankesës dhe taksimit të saj është 24 orë nga përfundimi i ndeshjes së zhvilluar. Nëse afati për ushtrimin e ankesës apo shqyrtim të saj skadon në ditën e dielë ose në ditën e festës shtetërore, afati për ushtrimin e ankesës vazhdon edhe në ditën e parë të ardhshme të punës.

Organi që udhëheq me garat është i obliguar që të shqyrton lëndën apo ankesën e paraqitur para fillimit të gjiros së radhës qoftë ajo kampionale apo e kup-ës.

Neni 56

Komisionet e FFK-së janë të obliguar që vendimet e marra t'i publikojnë menjëherë në Web sajtin zyrtar të FFK-së dhe të njëjtat t'ua dërgojnë klubeve me anë të Faksit apo e-mail-it zyrtar të cilat ekipet i kanë dorëzuar para fillimit të kampionatit.

Neni 57

KE duhet të merr vendim definitiv në afat prej 30 ditësh nga data e paraqitjes së kërkesës.

Kërkesa për mbrojtjen e ligjshmërisë Komitetit Ekzekutiv të FFK-së, i paraqitet në afat prej 15 ditësh, nga dita e pranimit të vendimit të Komisionit për Ankesa ose në rast të mos marrjes të vendimit të shkallës të II 30 dite nga dita e protokolimit të ankesës në shkallën e II.

Nuk do të shqyrtohet asnjë ankesë apo kërkesë e cila është paraqitur pas kalimit të afatit kohor për ankesë apo kërkesë, e njëjta konsiderohet si e refuzuar.

XIII. REGJISTRIMET E NDESHJEVE KAMPIONALE DHE KUP Ë

Neni 58

Të gjitha ndeshjet kampionale dhe për Kupë, i regjistron Komisioni i garave, në afat prej 3 ditësh nga dita e zhvillimit të ndeshjes.

Në qoftë se në ndonjë ndeshje është ushtruar ankesa, atëherë afati për regjistrimin e ndeshjes do të shtyhet deri në marrjen e vendimit sipas ankesës, gjegjësisht deri në vendimin e plotëfuqishëm lidhur me ankesën.

Ndeshja e regjistruar, nuk mund të anulohet nga i njëjti organ i garave përveç të rasteve decitive të parapara me Rregulloren e garave të futbollit të FFK-së.

Nëse xhirot zhvillohen të dielen dhe të mërkurën, afati për regjistrimin e ndeshjeve është dy ditë nga dita e zhvillimit të ndeshjes së fundit të asaj xhiroje e doemos para fillimit të xhiros së radhës qoftë ajo kampionale apo për kupë (përpos kur ka ankesa lidhur me regjistrimin e ndeshjes).

Neni 59

Në qoftëse një ekip me vetëdëshirë largohet nga garat e mëtutjeshme apo Komisioni i garave e largon për shkak të moszhvillimit të dy ndeshjeve, atëherë ai ekip do të fshihet nga garat e mëtutjeshme, kurse për ndeshjet e zhvilluara dhe ato që do ti zhvillonte do të veprohet kësisoji:

- Nëse klubi tërhiqet ose përjashtohet nga garat pasi që të ketë zhvilluar gjysmën e ndeshjeve apo më pak, nga numri i përgjithshëm i ndeshjeve të parapara për tërë kampionatin, atëherë të gjitha ndeshjet e tij të zhvilluara anulohen.

- Nëse klubi tërhiqet apo përjashtohet nga garat pasi të ketë zhvilluar më tepër se gjysmen e numrit të përgjithshëm të ndeshjeve të parapara për atë kampionat, atëherë ndeshjet e tij të zhvilluara deri në atë moment do të regjistrohen me rezultate të arritura, ndërsa ndeshjet e mbetura deri në fund të kampionatit nuk do të zhvillohen dhe do të regjistrohen me rezultat zyrtar(3:0) në favor të kundërshtarëve të tij të ardhshëm të paraparë me kalendar të garave.

Ndeshje e zhvilluar në kuptim të këtij neni konsiderohet ndeshja e zhvilluar në fushë dhe e regjistruar me rezultat të arritur në fushë apo rezultat zyrtar (në rast të ankesës së aprovuar).

XIV. VËRTETIMI I PLASMANIT DHE PËRFAQËSIMI NË GARAT E UEFA-S

Neni 60

Ekipi i cili e fiton ndeshjen në garat kampionale inkason 3 pikë, kurse nga ndeshja rezultati i të cilës është i barabartë, secili klub inkason nga një pikë.

Për secilën garë të përhershme e cila zhvillohet sipas sistemit të pikëve, përpilohet (mbahet) tabela.

Tabela përmban: emrat e ekipeve, numrin e ndeshjeve të zhvilluara, rezultatet e arritura në këto ndeshje, numrin e pikëve të fituara dhe numrin e golave të shënuara respektivisht të pranura (pësuar).

- Plasmani i ekipeve në tabelë caktohet në bazë të pikëve të fituara. Plasman më të mirë siguron ekipi i cili ka fituar më shumë pikë.
- Nëse ekipet që kanë plasman të barabartë në tabele, e garojnë për kreun e tabelës (titullin e kampionit), daljen në gara ndërkombëtare, largimin në rang më të ulët, garojnë për barazh (mbetje, hyrje në ligë): do të merret për bazë rezultati dhe golaverazhi në takimet e ndërsjellta;
- Nëse ekipet kanë plasman të barabartë edhe në takimet e ndërsjellta merren për bazë golat e shënuar në kampionat, pra ekipi që ka shënuar më shumë gola;
- Nëse ekipet kanë të barabarta edhe golat e shënuar gjatë kampionatit, atëherë merren për bazë golat e shënuar si mysafir gjatë kampionatit garues.
 - Nëse edhe në këtë në mënyrë nuk mund të vërtetohet plasmani atëherë zhvillohen ndeshje në mes të ekipeve të interesuara dhe atë:
 - Një ndeshje në fushën neutrale (nëse janë dy ekipe) që e cakton KE, e nëse pas 90 min, rezultati është i barabartë pasojnë shtyerja 2 x15 min. e në rast rezultati të barabartë pasojnë penaltitë.
 - Tri ndeshje me sistem të pikëve të njëfishta në terren neutral, nëse janë në kombinim 3 ekipe,
 - Numër i nevojshëm i ndeshjeve në system të njëfishtë të pikëve, në terren neutral, nëse janë në kombimin 4 ose më tepër ekipe.
 - Nëse ekipet e theksuara në alinetë paraprake arrijnë marrëveshje ndërmjet veti, në vend të zhvillimit të këtyre ndeshjeve, çështjen e fituesit mund ta përcaktojnë edhe me short, të cilin do ta udhëheq organi kompetent i garave.

Neni 61

Përfaqësimi i ekipeve ne Garat Ndërkombëtare:

- Ekipi i cili shpallet kampion në garat kampionale përfaqëson Kosovën në garat e UEFA-së (Liga e kampionëve).
- Ekipi nënkampion apo edhe më poshtë i klasifikuar mund të merr pjesë në garat e UEFA-s nëse mundësohet kjo nga UEFA në bazë të koeficientit zyrtar për pjesëmarrje.
- Ekipi i cili shpallet fitues i Kup-ës së Kosovës, përfaqëson Kosovën në garat UEFA Euroligë;
- Nëse Ekipi fitues i KUP-ës së Kosovës, për shkaqe të ndryshme nuk e përfaqëson Kosovën (nuk licencohet për garat e UEFA Euroligës, atëherë zëvendësohet me ekipin e radhës (që nuk është pjesëmarrës i garave të UEFA-s) që ka plasmanin më të mirë respektiv në kampionatin e rregullt të Kosovës, e jo finalisti i KUP-ës, me kusht që të jetë i licencuar paraprakisht për garat e UEFA-s.

XV. SISTEMI I KUP-ës

Neni 62

Garat e KUP-ës së Kosovës, zhvillohen në sistemin e tillë që së pari, në xhiron e parë, me gara fillojnë ekipet e Ligës së II-të dhe të Ligës së Parë (një xhiro), nga të cilat me sistem të eliminimit, për gara të mëtutjeshme do të kualifikohen ekipet që kanë fituar ndeshjet.

Garat për KUP i udhëheq Komisioni unik për Superligë dhe Ligë të Parë. Në xhiron e tretë, fituesve nga xhiroja e dytë i'u bashkangjiten edhe 16 ekipet e SuperLigës.

Nga Gjysëmfinalja e Kupës, ekipet që mbesin në garë, do të zhvillojnë nga dy ndeshje, dhe atë njëren si nikoqir dhe tjetrën si mysafir (sipas shortit).

Organi i cili udhëheq me gara, para çdo xhiroje duhet ta tërheq shortin i cili duhet të jetë publik. Sipas rregullit ekipi nikoqir është ekipi i cili i pari tërhiqet me short.

Prej gjysëmfinalës, ekipi i cili do të tërhiqet me short i pari, do të jetë nikoqir në ndeshjen e parë, respektivisht mysafir në të dytën.

Neni 63

Nëse ndeshja për Kupë përfundon pa fitues, luhet në vazhdime 2 x 15 min. dhe nëse edhe pas vazhdimeve rezultati është baraz pason ekzekutimi i penalltive sipas Rregullave të lojës, për përcaktimin e fituesit.

Ngjajshëm veprohet edhe prej gjysëmfinale, kur zhvillohen nga dy ndeshje dhe nëse rezultati është plotësisht identik në dy ndeshjet. Në vazhdime vlen goli i shënuar si mysafir dhe vendos fituesin.

Në ndeshjen finale për Kupën e Kosovës, nëse përfundon pa fitues, atëherë për ta përcaktuar fituesin do të zhvillohen vazhdimet 2 x 15 minuta.

Nëse edhe pas vazhdimit nuk përcaktohet fituesi, pason ekzekutimi i penalltive sipas Rregullave të lojës.

Në ndeshjet e barazhit dhe finalen e KUP-ës, shpenzimet e zyrtarëve të ndeshjes i bartin klubet pjesëmarrëse 50% - 50%.

Neni 64

Nëse një ekip nuk paraqitet pa arësye në fushë për ta zhvilluar ndeshjen për KUP, atëherë ai ekip do të eliminohet nga garat e mëtutjeshme dhe do të humb të drejtën për të marrë pjesë në garat e Kupës së Kosovës, në vitin e ardhshëm garues dhe do ti merren -3 pike negative ne plasmanin e kampionatit respektiv.

Nëse kjo ngjan në periudhën kur aplikohet sistemi i dyfishtë i ndeshjeve, ekipi që vepron kështu, do të eliminohet nga garat e mëtutjeshme pavarësisht nga rezultati i ndeshjes së parë. Në mënyrë identike do të veprohet edhe në rastet kur ndeshja ndërpritet dhe regjistrohet me rezultat zyrtar për njërin ekip. Shkaktari i ndërprerjes eliminohet nga garat e mëtutjeshme, pavarësisht nga rezultati i takimit të parë (nëse është fjala për ndeshjen e dytë). Nëse këto raste ndodhin në ndeshjen e parë, atëherë ndeshja e dytë nuk zhvillohet fare.

Neni 65

KE i FFK-së mund të quajë KUP-ën e FFK-së, në bazë të Sponzorit eventual dhe për këtë merr vendim të posaçëm.

Ndeshja finale e Kupës së Kosovës, do të zhvillohet në stadiumin e qytetit të kryeqytetit të Kosovës, në Prishtinë, nëse KE nuk vendos ndryshe. Lidhur me ndarjen e të hollave të realizuara nga shitja e biletave dhe të hyrave tjera (reklama TV etj.), Komiteti Ekzekutiv i FFK-së mund të vendos me një vendim të posaçëm.

Pas përfundimit të finales, gjatë ceremonialit të dorëzimit të Kupës skuadres fituese, skuadra që pëson humbje e ka obligim të qëndron në terren në përbërje complete, në të kundërtën do të ndëshkohet me dënim në para.

Neni 66

Në ndeshjen e Superkupës takohen fituesi i Kampionatit (Kampioni) dhe fituesi i Kupës së Kosovës. Organizimin e kësaj e kësaj ndeshjeje, vendin ku do të zhvillohet dhe ndarjen e të hollave të realizuara nga shitja e biletave dhe të hyrave tjera (reklama TV etj.), e bënë Komiteti Ekzekutiv i FFK-së.

Ndeshja e Superkupës e ka tretmanin e ndeshjes së fundit kampionale të edicionit paraprak të garave. Në atë mënyrë trajtohen edhe futbollistët e ndëshkuar (me karton të verdhë apo të kuq) në atë ndeshje.

Pas përfundimit të ndeshjes së Superkupës, gjatë ceremonialit të dorëzimit të Kupës skuadrës fituese, skuadra që pëson humbje e ka obligim të qëndron në përbërje complete në terren. Në të kundërtën do të ndëshkohet me dënim në para.

Në qoftë se një ekip gjatë një edicioni të garave e fiton edhe titullin e kampionit dhe Kupën e Kosovës, atëherë ndeshja e Superkupës nuk do të zhvillohet fare.

Nëse një ekip nuk paraqitet pa arsye në fushë për ta zhvilluar ndeshjen për Superkupë, atëherë ai ekip do të dënohet në kampionatin e ardhshëm garues dhe do t'i merren -3 pikë negative në plasmanin e kampionatit respektiv.

Neni 67

FFK-ja, i heqë shpenzimet e blerjes së Kupës për fituesin e kampionatit të Kosovës (kampionin), për fituesin e Kupës së Kosovës dhe për fituesin e ndeshjes së Superkupës, nëse me ndonjë vendim tjetër KE nuk ka vendosur ndryshe.

Neni 68

Në qoftë se ndonjë ekip dënohet me mos lojë në fushën e vetë (vlen edhe për KUP edhe për Kampionat), atëherë ky ekip duhet të sigurojë fushën për ndeshje, e cila duhet të jetë së paku 30 km. larg (rrugë rajonale të asfaltuar) nga stadiumi i saj.

XVI. NUMRI MË I VOGËL I LOJTARËVE DHE ZËVENDËSIMET E TYRE

Neni 69

Ndeshja nuk mund të fillojë nëse njëra prej ekipeve ka më pak se 7 (shtatë) lojtarë. Lojtarët të cilët nuk e fillojnë ndeshjen, kanë mundësi të futen në lojë deri në fund të ndeshjes, dhe atë në mënyrë të paraparë me këto Propozicione të garave, nëse para fillimit të ndeshjes janë shënuar në protokolin e ndeshjes si lojtarë apo rezervistë.

Neni 70

Nëse një ekip gjatë kohës së zhvillimit të ndeshjes mbetet me më pak se 7 (shtatë) lojtarë (qoftë për shkak të lëndimit, apo përjashtimit për shkak të mosangazhimit, respektivisht bojkotimit të ekipit apo organit kompetent që udhëheq me gara), gjyqtari i ndeshjes është i obliguar që lojën ta ndërprejë, nëse ekipi nuk është në gjendje që brenda 5 minutave të siguroj numër minimal (7) të lojtarëve.

Bazuar në Raportet e zyrtarëve të ndeshjes, ndaj ekipit dhe individëve të identifikuar si shkaktar kryesor të ndërprerjes së ndeshjes do të inicohet procedurë disiplinore.

Neni 71

Në ndeshjet kampionale dhe për KUP, gjatë lojës mund të ndërrohen më së shumti 3 (tre) lojtarë, në secilin ekip, duke respektuar dispozitat e FIFA-së.

Zëvendësimet mund të kryhen vetëm me lojtarë të cilët para ndeshjes janë evidentuar në Protokolin e ndeshjes.

XVII. FANELAT

Neni 72

Ekipet në një ndeshje nuk mund të luajnë me fanela të ngjyrave të njëjta apo të ngjajshme. Kompetent për vlerësimin e këtij elementi, është gjyqtari kryesor (pas konsultimit me gjyqtarët ndihmës) i cili edhe e merr vendimin definitiv.

Nëse ekipet, fanelat tradicionale i kanë me ngjyrë të njëjtë apo të ngjajshme, atëherë ekipi mysafir është i obliguar që t'i ndërrojë fanelat, në të kundërtën, nëse ndeshja nuk zhvillohet për këtë arsye, ajo do të regjistrohet me rezultat zyrtar (3:0 Parforfe) në të mirë të ekipit nikoqir.

Para fillimit të kampionatit, me rastin e licencimit në FFK, të gjitha ekipet janë të obliguara ta njohtojnë komisionin e garave përkatës, për ngjyrat e fanelave (ato bazë dhe ato rezervë) me të cilat do të luajë në atë kampionat.

Më së voni 15 ditë para fillimit të vitit garues, organi gjegjës i gjyqtarëve të futbollit të FFK-së, është i obliguar të shpallë ngjyrën kryesore dhe ngjyrën rezervë të fanelave.

Ngjyra e paraqitur e fanelave të klubeve, qartas duhet të ndryshojnë nga ngjyra zyrtare e fanelave të gjyqtarëve.

Gjyqtarët janë të obliguar që në ndeshje të disponojnë me fanelat rezervë.

Neni 73

Gjatë kohës së zhvillimit të ndeshjes, lojtarët në pjesën e prapme (shpinë) të fanelave të veta, duhet ti kenë numrat, të dukshëm të madhësisë së caktuar sipas dispozitave me sa vijon;
- madhësia-gjatësia e numrave duhet të jetë prej 20 deri 30 cm. kurse gjërsia e vijave të çdo numri duhet të jetë më e vogla 5 cm.

Numrat në fanela duhet të përputhen me numrat në regjistrin e lojtarëve të shënuar në protokolin e ndeshjes. Në të kundërtën konsiderohet se lojtari është aktivizuar pa të drejtë, dhe pasojnë masat sipas dispozitave të akteve normative të FFK-së.

XVIII. KONTROLLIMI MJEKËSOR I LOJTARËVE

Neni 74

Secili lojtar në librezën e vetë sportive, duhet të ketë të shënuar kontrollimin mjekësor të kryer.

Afati i vlefshmërisë së kontrollit mjekësor për lojtarë të cilët në ditën e kontrollimit i kanë së paku 17 vjet, zgjatë 6 (gjashtë) muaj.

Me kontrollimin mjekësor special, derisa ai është në fuqi, lojtari i ri (U-19, U17) mund të luajë në të gjitha ndeshjet edhe në rast se e dëshmon me librezën e vet te vulosur nga qendra e Mjekesise Sportive.

Klubet janë të obliguara t'i përmbahen në tërësi nenit 64(ish 53) të Rregullores së garave sa i përket kontrollimit mjekësor dhe personelit mjekësor.

XIX. BULETINI ZYRTAR

Neni 75

Të gjitha Vendimet e organeve të Ligave, shpallen në Web-faqen e FFK-së dhe "Buletinin zyrtar" të FFK-së.

Në buletin zyrtar dhe në web-faqen e FFK-së, shpallen vendimet mbi orarin e garave, vendin dhe kohën e zhvillimit të ndeshjeve, si dhe vendimet e tjera me rendësi për gara.

Vendimet e organeve të garave dhe komisioneve, të cilat i përkasin klubit si tërësi, regjistrimet e ndeshjeve, vendimet mbi dënimet, si dhe vendimet e tjera të organeve që i përkasin garave dhe klubeve, duhet të publikohen në mënyrë që puna dhe rrjedha e garave, të jetë sa më e njohur përmes buletinit zyrtar.

Të gjitha klubet jënë të obliguara t'i përfillin vendimet nga Web-faqja e FFK-së dhe të "Buletinit zyrtar", t'i përcjellin të gjitha informatat e organeve të ligave, dhe në kërkesë të këtyre organeve ti dërgojnë përgjigjet në afatin e paraparë, në të kundërtën, i nënshtrohen përgjegjësisë disiplinore.

XX. KUSHTET MINIMALE PËR PUNËN PROFESIONALE – PEDAGOGJIKE

Neni 76

Të gjitha klubet në bazë të punës së vetë, formojnë kushte për formimin e punës profesionalo-pedagogjike.

Kushtet minimale për punën profesionalo-pedagogjike në klube, i bëjnë ato kushte të cilat janë dhënë në bazë të Vendimit të Komitetit Ekzekutiv të FFK-së, apo vendimeve të cilat në të ardhmen do të orientohen përmes komisioneve etj.

XXI. SHPËRBLIMET

Neni 77

Kampioni i Kosovës, shpërblehet nga FFK-ja, me Kupë të posaçme, në të cilën do të jetë e gravuar emri i klubit dhe viti i shpalljes së tij Kampion.

XXII. TRANSMETIMET TELEVIZIVE DHE PËRCJELLJA E KAMPIONATIT NGA MJETET E INFORMIMIT

Neni 78

Me qëllim të propagandës dhe informimit mbi rrjedhën e garave, pjesëmarrësit në këtë kampionat të FFK-së, në bashkëpunim me FFK-në, mund të lidhin marrëveshje me qendrën televizive lidhur me transmetimet e ndeshjeve, xhirim të reportazheve, si dhe forma të tjera të informimit përmes TV apo mediave tjera.

KE e FFK-së mban të drejtën ekskluzive lidhur me të drejtat televizive dhe të lidhura me to. Klubi nikoqir, është i obliguar që gazetarëve, tu mundësoj punën pa kurrfarë pengese, kështu që e gjithë kjo të mundësojë informim të shpejtë, real dhe në shërbim të popullarizimit të futbollit dhe të garave. Nëse një kontratë e tillë lidhet me ndonjë kompani televizive mes FFK-së dhe klubeve, atëherë klubet janë të obliguara që t'i përmbahen orarit të Garave të përcaktuar nga kompania televizive dhe Komisioni i Garave.

XXIII. AFATI KALIMTAR I LOJTARËVE

Neni 79

Afati kalimtar i lojtarëve të cilët dëshirojnë të kalojnë nga një klub në klubin tjetër të Kosovës, është;

- në muajin Janar, (afati kalimtar dimëror) dhe

- nga fillimi I korrikut deri në fund të Gushtit, (afati i rregullt kalimtar veror).

Datat e sakta i cakton Komiteti Ekzekutiv i FFK-së, me vendim të posaçëm, që e merr në

kohën e duhur, bazuar në afatet e sugjeruara dhe ato obligative të FIFA-s.

XXIV. OBLIGIMET MATERIALE TË KLUBEVE NDAJ FFK-së, DHE ORGANEVE ZYRTARE

Neni 80

Klubet e futbollit janë të liruara nga kuotizimet deri ne marrjen e ndonje Vendimi tjetër nga KE, ndërsa Superliga do të quhet sipas kontratës për Sponzorizim të nënshkruar mes FFK-së dhe sponzorit.

Klubet janë të obliguara që të respektojnë obligimet e dala nga marrëveshja me sponzorin e Ligës përkatëse.

Të gjitha klubet janë të obliguara të paguajnë anëtarësinë për futbollistët e tyre. Vlera ne para rregullohet me Vendim nga KE ne fillim te cdo cikli garues. Ky licencim vlen për një kampionat.

Në rast të ndërrimit të librezës së lojtarëve, shpenzimet e ndërrimit të saj i bartë klubi, qoftë nëse libreza ka humbur apo është dëmtuar apo për arsye të tjera ajo është dashtë me u ndërruar.

Klubet duhet që këto obligime financiare ndaj FFK-së, t'i përmbushin më së voni 15 ditë para fillimit të garave (para stinorit).

Neni 81

Taksat dhe mëditjet për personat zyrtarë Gjyqtar-kryesor, anësorë, Delegat të ndeshjes, Gyqtar të katërt, Vëzhgues i Referimit, caktohen me Vendim nga KE i FFK-së, për çdo cikël garues (në fillim të sezonit vijues).

Taksat dhe të gjitha pagesat për Garat e futbollit të femrave dhe të Futsal-it, përcaktohen me Rregullore të veçanta.

Shpenzimet, personave zyrtarë iu paguhen para fillimit të ndeshjes apo edhe pas përfundimit të ndeshjes. Në rast se ekipi nuk i paguan personat e deleguar, nuk i delegohen zyrtarët për ndeshjet e ardhshme dhe të njëjtën e humb me rezultat zyrtar Parforfe (3:0).

Nëse ndeshja nuk ka përfunduar me kohë siç e parashikojnë dispozitat e këtyre Propozicioneve dhe e njëjta përsëritet, shpenzimet e personave zyrtar i paguan ekipi nikoqir, ndërsa shpenzimet e rrugës së ekipit mysafir i paguan vet ekipi mysafir.

Kur kërkesën për kontrollë të posaçme e bënë klubi, atëherë shpenzimet për personin zyrtar e bënë (pagan) klubi i cili ushtron një kërkesë të tillë, dhe atë në emër të mëditjes , ndërsa taksat për ndeshjet e Superligës dhe të Ligës së I-rë, ligës se II-të caktohen me Vendim nga KE ne fillim te ciklit te garave.

Në rast të moszhvillimit të ndeshjes, personave zyrtar të ndeshjes (vëzhguesit, gjyqtarëve eventualisht kontrollorit) ekipi nikoqir duhet t'ua paguaj mëditjen dhe shpenzimet e udhëtimit.

Neni 82

Nëse lojtari ndëshkohet me karton të kuq apo me dy kartona të verdhë brenda një ndeshjeje (kartoni i kuq), atëherë ekipi i tij ndëshkohet me të holla, sipas Vendimit nga KE me të cilin rregullohet shuma e kartonit të kuq-direkt, 2 kartonave të verdhë, kartonit të verdhë.

Nëse trajneri ndëshkohet me karton të kuq, ekipi i tij do të dënohet me gjobë në të holla të cilën e përcakton KE sipas Vendimit të marrë në fillim të ciklit të garave.

Nëse anëtarët e udhëheqësisë së klubeve, (funksionarët, udhëheqësit profesional dhe teknik, drejtorët, dhe personat që kryejnë funksione të tjera në klub), kryejnë çfarëdo kundërvajtje në garat e futbollit dhe lidhur me garat e futbollit, atëherë klubet e tyre do të dënohen me gjobë sipas Rregullores disiplinore, varësisht nga rangu i garave dhe pesha e veprës.

Nëse brenda një stinori (vjeshtë apo pranverë), i njëjti futbollist, trajner apo punëtor sportiv, e përsëritë deliktin për të cilin dënohet sipas dispozitave të alineve të lartëtheksuara të këtij neni, atëherë, lartësia e dënimit të tij dyfishohet.

Neni 83

Secili ekip është i obliguar, që para zhvillimit të ndeshjes së xhiros në rradhë, t'i paguaj FFK-së, të gjitha dënimet në të holla, për kartuqa të kuq si dhe dënimet tjera në të holla që ia kanë shqiptuar organet kompetente të FFK-së, (kur vendimet bëhen të plotëfuqishme), në të kundërtën, ky ekip do të pezullohet (nuk ka të drejtë loje) nga garat e ardhshme.

Të gjitha obligimet financiare ndaj FFK-së, që rrjedhin nga Rregullorja e Propozicioneve, duhet të kryhen në xhirollogarinë zyrtare të FFK-së.

XXV. DISPOZITAT KALIMTARE

Neni 84

Çdo vendim që merret në përputhje me këto Propozicione të Garave, është obligativ për të gjithë, derisa dispozitat e këtyre Propozicioneve të mos ndryshojnë.

Ndryshimet dhe plotësimet e këtyre Propozicioneve i bënë Komiteti Ekzekutiv i FFK-së, në procedurën e njëjtë si për aprovimin e tyre.

Neni 85

Për çështjet që nuk janë përfshirë në këto Propozicione, vlenë Rregullorja e Garave, Rregullorja Disciplinore, aktet tjera normative të FFK-së, si dhe Rregullat e lojës së futbollit, të UEFA-së dhe FIFA-së.

Neni 86

Këto Propozicione u miratuan më 5 Gusht 2006, ndërsa plotësimet dhe ndryshimet u miratuan më 2 Gusht 2017.

Propozicionet e Garave hyjnë në fuqi ditën e ardhshme pas nënshkrimit të saj.

Prishtinë, 02.08.2017

Kryetari i FFK-së,
Fadil Vokrri

Sekretari i përgjithshëm,
Eroll Salihu